

D. D.

MELETEMATA  
**PHILOSOPHICA**  
VARII ARGUMENTI,

---

*Conf. Ampl. Fac. Phil. Aboëns.*

AUCTORE

**JOHANNE STRÓM,**

Phil. Mag. V. D. M. & Apolog. Sch. Triv. Björneb.

RESPONDENTE

**DIETERICO JOHANNE LOHMAN,**

Stip. Reg. Bor. Finl.

Die XXV. Junii MDCCCLXXIII.

*Loco horisque a. m. solitis,*

*Publice examinanda.*



*ABOÆ,*

Typis JOHANNIS CHRISTOPHORI FRENCKELL.

1.

*Nation.*

B. L.

**D**iu est ex quo, Musarum sedibus relictis, vitam degimus ab earum negotiis remotiorem. Brevi illas revisuri, gratitudinisque non oblitate velut daturi documentum, ex reliquiis lectorum olim in campis Philosophiae amoenis florum, fertam hoc tenue continximus. Ne igitur mireris, L. B. levia esse quae hic Tibi sustuntur meletemata. Accedit in conjiciendis his in chartam ea festinatio, ut effusa potius inter varias interpellationes, quam conscripta, nedum elaborata dici mereantur. Spem itaque forevimus certissimam fore, ut mitiori haec perstringas censura, & qui Tuus est animi candor, in meliorem interpreteris partem.



§. I.

**I**nter argumenta, quibus existentia Divina ex lumine rationis demonstrari solet, maximam convincendi vim inesse illis autumanus, qua ex finibus rerum desumuntur. Neque tamen hæc omne hoc in negotio panarium ferunt. Remaneat enim *Spinozismus* confundendus. Elucet hinc utilitas dogmatis de mundi contingencia; quæ vero per adstructam solummodo partium hujus universi mutabilitatem & successivam naturam, ita non evadit demonstrata, ut adsensum extorqueat.

§. II.

Tantum nostro jam ævo est perplurimorum in lingua latinam odium, ut illam, ceu maximas ex eorum mente scientiis addiscendis necentem moras, ex territorio orbis litterati velint proscribendam. Sit hoc ut cunque; modo justa maneat litteratorum ad reliquos cives proportio. Sed urgent hoc nonnulli in gratiam hominum cujuscunq; fere ordinis & conditionis. Quorum vero hæc tanta eruditorum nubes?

§. III.

Circa negotium instituenda juventutis in litteris haud parum recentiori tempore scriptum est. Quod attinet ad Scholas publicas, non adeo multum, ut nonnulli opinantur, suppetere existimamus, de quo quis jure conqueratur. Omnia enim in illis ita sunt comparata, ut migraturi inde ad Academias discentes, modo hi ut & Docentes partes suas rite egerint, non possint non esse idonei ad percipienda, & in usum suum convertenda ea, quæ ad has Musarum sedes illis tradere convenit. Inter incommoda vero Scholas, quas loquimur, prementia, forsan & hoc referri possit, quod adolescentulis il-

nis, qui destinati sunt vitæ generi civili, ideoque a linguis Orientalibus addiscendis se exceptos volunt, in classes inferiores delatis, non remaneat nisi lingua latina, cui sudorum suorum libamina offerre teneantur.

## §. IV.

Compendia disciplinarum usibus Scholarum dicanda, magni refert ita esse conscripta, & typis excusa, ut memorie dissentium sic dictæ locali sit consultum. Multum huc facere arbitramur, si per typorum formam jam grandiem, jam minorem, nec non marginum hic dilatationem, coarctationem illic, paginarum sibi invicem similitudo tollatur.

## §. V.

Compendia vero, generatim loquendo, duplii in differentia considerari possunt; prout nimirum destinata tironibus vel proprio Marte studentibus, vel viva inductione instituendis. Priori in casu omnia, quæ traduntur, quoad ejus fieri potest, demonstrantur & illustrantur. Posteriori vero nonnulla ocurrere possunt, immo nonnunquam debent, hiatus velut interstincta, quæ per explicationes Docentis sive commentationes suppleantur. Ita in compendiolo e. g. Physico, auctor probaturus gravitatem massæ esse proportionalem, allegare solummodo potest experimentum de plumula & numero aureo in vacuo Boyleano eadem velocitate delabentibus, omissa explicatione, quomodo per theoriam viuum corporum inde illud sequatur.

## §. VI.

Potest quis esse omnis generis eruditio solida instructus, morum integritate conspicuus, diligens & assiduus; & nihilominus ad docendam juventutem non aptus.

## §. VII.

Quæ incipientibus in lingua Latina proponuntur explicanda, debent ea esse ita comparata, ut nulli, vel saltem pauci, in iis occurrant idiotismi.

## §. VIII.

## §. VIII.

Quamquam juventutem Scholasticam disciplinis ju-  
sto pluribus simili tractandis oneratam velint haud pau-  
ci; altum tamen inter omnes fere est silentium de Me-  
taphysica Scholaribus tradenda. Neque hoc male. Quid-  
quid enim ex illa pro horum scopo, qua talium, requi-  
ritur, id paucis oraliter saltem institutione, suis locis, di-  
ficiunt animis instillari potest.

## §. IX.

Quandoquidem Scholæ non sint tantum litterarum  
& eruditio[n]is seminaria; verum etiam virtutum offici-  
nar[um]; i[n]junctum est Docentibus omnia, quantum fieri po-  
test, removere, quæ formandis bonis moribus officiunt.  
Hinc dum auctores classici, linguae hauriendæ ergo ex-  
plicantur, non solum occurrentia in iis virtutum exem-  
pla commendentur; sed etiam quicquid vitiosi & sce-  
lesti obvenit, sollicite observetur ut minime imi-  
tandum, & motiva ad hoc evitandum adferantur.  
Nonnulla nominatis ex auctoribus loca forsitan peni-  
tus præterire præstet: e. g. (majoris momenti omitto)  
ex Epistolis Ciceronis illam, ubi hic plurimis cæteroquin  
nominibus juventuti ad imitationem commendandus,  
jam vero philautiæ cœstro percitus, *Lucrejum* multis ro-  
gat, ut in scripto quodam publico sua amplificet meti-  
ta, & neglectis Historiæ legibus, veritatis etiam cum  
dispendio, laudibus se exornet.

## §. X.

Oratio quælibet, sive profana sive sacra ad regulas  
artis nimis efficta, omnem s[ecundu]m s[ecundu]m amittit vim & elegan-  
tiam. Recte igitur dicit Cassiodorus, interdum genus esse  
peritiæ vitare quod doctis placeat.

## §. XI.

Qui Logica solum Naturali contenta, Artificiali nul-  
lus esse usus clamitant; uti hoc in scriptis etiam juris

publici factis est videre, veritatis amore non duci vi-  
dentur.

## §. XII.

In alleganda ratione, cur DEus interdixerit primis hominibus eius fructuum arboris scientia boni & mali, dum urgent defensores *moralitatis objectiva*, ipsos hujus arboris fructus fuisse physice nocivos; haud absimiles vi-  
dentur prisci ævi Naturæ Mystis, qui imminens orbibus cœli sui crystallini per ignem Solis periculum amoturi, consultum duxerunt statuere, corpus Solare non esse igneum.

## §. XIII.

Disputatio eruditorum de juramentis, an novam producant obligationem, inter plurimos abit in logo-  
machiam.

## §. XIV.

Est, uti constat, gravitas extra superficiem terræ in ratione inversa quadratorum distantiarum ab illius centro. In hujus vero augmenti vel decrementi demonstrationem, dum adseritur experimentum *Condaminianum* de differen-  
tia quadam numeri oscillationum penduli, æquali tem-  
pore, in locis diversæ altitudinis; juxta simul determinan-  
dum esse existimamus, quanta pars in hoc experi-  
to diminutæ gravitatis, vi centrifugæ telluris sit tribuenda,

## §. XV.

Diversi gradus caloris, quem sol terræ impertitur, dependent, ut est notissimum, ex solis obliquitate, quæ triplici ratione se exserit; nimirum efficiendo 1:o fortio-  
rem vel debiliorem radiorum vim percussivam. 2:do eorundem in idem planum incidentium diversam copi-  
am, & 3:o longiori vel breviori via per atmosphærā  
radiorum transitum. Si quis vero primum momentum,  
de calore per radiorum percussionem excitando, impu-  
gnare nitatur ex eo, quod dum reflectuntur radii lucis,  
non impingant in partes solidas corporis reflectentis, pro-  
uti

uti hoc prolixè demonstravit *Newtonus* in sua *Optica*, fa-  
ciliis erit ad objectionem responsio.

## §. XVI.

Haud pauca sunt illa Sapientiae, potentiae & bonita-  
tis Divinæ documenta, quæ nobis exhibet parva primo  
intuitu res, refrangibilitas lucis. Paucis multa comple-  
xuris nobis sufficiat solummodo nominasse: *Visionis the-  
oriam* in hac proprietate lucis fundatam: *Auctum* per hanc  
in tellure *lumen*, nec non *calorem*: *Telescopia*, heu quan-  
ta utilitatis instrumenta! quorumque præcipue subsidio  
ecclii enarrant DEI gloriam: *Microscopia*, admiranda na-  
turæ mysteria nobis recludentia, & in minimis ostenden-  
tia nobis maximum: *Conspicilla*; *Vitra caustica*; ut re-  
liqua taceamus.

## §. XVII.

Non igitur opus est tam frigidis & precariis, in ex-  
plicandis hujus refrangibilitatis ulibus, argumentis; ac est  
illud, quo statuitur nonnunquam evenire, ut radii sola-  
res, per nubeculam quandam lenticulari transmissi, in  
focum Diopticum dirigantur, & sic materiam accenden-  
do fulguream tonitrua efficiant. Quicquid sit, ante ali-  
quot abhinc annos cuiusdam adhuc usus esse poterat haec  
hypothesis; quæ vero nuperriime condita est tonitruum  
theoria, in electricitate fundata, carere illa facile potest.

## §. XVIII.

In doctrina *Virium Centralium*, dum dicuntur illæ  
inter se esse æquales, caveant tirones, ne confundant  
*vim centrifugam* cum *vi motus sic dicti projectilis*, quæ  
nonnnnquam, auctis scilicet diametro orbitæ & celerita-  
te motus revolutionis, usque adeo superare potest *vim*  
*centripetam*, ut omnis fere earum ad se invicem evane-  
scat relatio.

## §. XIX.

Elegans & auctore suo dignum est illud pro-  
com-

comprobando motu telluris anno argumentum, quod petitur ex gravitate sic dicta universali, vi cuius corpus quoddam majoris quantitatis materiae, circa aliud minoris massæ, ut centrale, ferri non potest.

### §. XX.

In Opere vasto, cui tit: *Histoire Universelle*, dum mentio sit phænomeni a Batavis circa annum 1597. prope Novam Zeelandiam hibernantibus, observati; quod nimurum sol ibi serius, quam per calculos astronomicos fieri debuisset, dispernit; reversurus vero iterum, antequam exspectaverant, conspicendum sole illis præbuerit; dicitur istud phænomenon convenire (*accorder*) cum vera illa figura, quam hodie teræ tribuimus. Verba hæc, quum duplè admittere videntur sensum; objectionem, quæ formari poset, ambiguitate sua elidunt.

### §. XXI.

Nullius vel saltem exigui usus videtur prolixitas illa, qua a nonnullis Mathematicis tractata comparet scientia Gnomonica, quum paucioribus longe tota haec res perfici queat. Præmissis enim solummodo iis, quæ ad horologium, uti appellant, ægninotiale, ut simplicissimum construendum pertinent; sufficiens erit unicum problema describendis reliquis, cujuscunque plani & superficie horologiis.

### §. XXII.

Quam sint cadueæ & viciſſitudini obnoxie res humanæ, documen-  
to esse potest vel decantatissima Rudbeckii *Atlantica*. Simulac enim  
in lucem editum erat hoc opus; tot amplissimis & publicis & privatis  
ornabatur elogiis, ut vel evolville illud honorificum pæne censemetur.  
Paucorum vero decenniorum decursu, sensim sensimque insuper ha-  
beri cœptum, jam temporis usque adeo vilipenditur, ut in proverbio  
abeat Rudbeckizare, de illis, qui in rebus exiguis momenti ma-  
gna moliuntur. Quicquid sit, elegantissima nihilominus esse, quæ  
scribit antiquitatis gloriam Hyperboreæ genti asserturus Rudbeckius,  
quotusquisque est, qui neget? Produnt illa animi perspicaciam mā-  
gnam, vastam eruditionem, laborem fere Herculeum; quæ  
diu perennantem reddunt Rudbeckiani nomi-  
nis celebritatem.

